

續修四庫全書



《續修四庫全書》編纂委員會編

續修四庫全書

上海古籍出版社

一五五五・集部・別集類

曾忠襄公文集二卷 曾忠襄公批牘五卷 曾忠襄公書札二十二卷（曾忠襄公書札卷八至

卷二十二）〔清〕曾國荃撰……………一

二知軒詩鈔十四卷 〔清〕方濬頤撰……………四〇一

曾忠襄公書札

卷之八目錄

復王峯臣

致駱宮保

復郭筠仙

復李季荃

復易紫橋

復毛制軍

復李季荃

致黃南坡

復趙玉班

復金眉生

復程方忠

致趙玉班

復張屺堂

復趙玉班

致左季高制軍

致惲次山中丞

復鮑春霆

復鮑春霆

曾忠襄公書札 卷八目錄

一

復鮑春霆

復富治安將軍

致駱制軍

復官中堂

致李少泉中丞

致劉印渠中丞

致官中堂

復郭筠仙中丞

復楊厚菴

致李季荃

復吳竹莊

復官中堂

復惲次山中丞

復蔡少彭

復郭筠仙中丞

致蔡少彭

復郭意誠

復郭意誠

復惲次山中丞

致李少泉中丞

曾忠襄公書札 卷八目錄

二

曾忠襄公文集
曾忠襄公批牘二
曾忠襄公書札

〔清〕曾國荃撰

據上海辭書出版社圖書館藏清光緒二十九年曾忠襄公全集本影印原書版框高二一〇毫米寬二八〇毫米

致李少泉中丞

復黃澤生

致李少泉中丞

復郭意誠

復丁雨生

復富治安將軍

復官中堂

復寶蘭泉

復萬篴軒

復劉同卿

曾忠襄公書札

卷八 目錄

三

復李少泉中丞

復李次青

復惲次山中丞

復李壬叔

復劉省山

復趙惠甫

復陳舫仙

復陳舫仙

復何筱宋中丞

復王壬秋

復唐義渠

復翁玉夫

復李子和

復朱星檻

復趙初賓

致郭子美

復鮑春霆

復郭子美

曾忠襄公書札

卷八 目錄

四

曾忠襄公書札卷八

復王峯臣

頃展惠牋具悉一切敝軍五月閒所開地道至十一月功在垂成詎該逆於城之內外牆腳對開地道已將穿透勢不能待橫道齊整因急於初五日裝藥四萬夜閒封塞道口並派隊四面環攻於五更時轟之其時浮橋搭成城塌之處其寬雖十餘丈而兩頭壁立無斜磴可上實緣城身厚有八丈火藥僅轟塌外面三四丈而已其內面仍然巍峙故賊得以堵禦搶口之賊被磚石土塊擊傷者甚眾而兄營將士馳過浮橋爭先搶口城上大礮洋鎗子如雨注受傷陣亡者亦有三百餘人人謀之不能會忠襄公書札卷八

一
連成殆有天意可勝喟然蘇城已於十月二十五日克復少荃中丞已進攻無錫矣知關廛注並以奉聞

致駱宮保

日前肅泐燕函備陳懇款諒可馳達典籤敝軍新募之勇陸續到齊已分撥老營進紮龍膊子地面頗爲扼要但能堅持數月並力圍攻困獸諒亦難久踞惟各營口糧積欠二百萬益以新軍月需更鉅竭蹶更甚嚴冬奇冷噉噉數萬人露席風雪中饑寒交迫歲前萬難勉支前懇師門曲鑒窘急之狀先於今冬籌撥四萬兩以應眉急俟捐數收齊卽請劃扣定荷鴻慈俯允茲復瑣瑣瀆陳者實緣頓兵兩載甫值合圖緊要之時四顧傍徨

無以爲計惟有懇求師門予以一綫生路故不覺陳乞之至於再三也苗逆脅從各圩不堪搜括反戈攻之臨淮各軍乘勢分攻下蔡穎上正陽蒙城業已解圍倘各路均能得手卽可進取老巢殲此巨猾知關蓋注謹以附聞

復郭筠仙

初九日肅佈一函計達台覽頃奉九月二十二日手示敬承種種切老兄之學問經濟非下走所能測其萬一前書所云不過聊效野人獻曝之忱乃蒙虛懷嘉納休休有容仰見好問察言集思廣益之盛德佩服無量高州以招撫訖事兩帥下車之始威望有以懾之也惟地方之民情風俗如此非得賢牧令潛移默會忠襄公書札卷八

二
化無以善其後想老兄接見屬僚必有以甄陶而慎使之舉錯宜則民心服郵隆之化可計日而待也庫藏之窮殊出意外釐捐歸本省清釐洵恐利柄一移則江南之餉仍成畫餅不若劃然兩段但思所以整頓之庶幾滴滴歸源日有起色耳承札提正款代購洋礮感甚感甚南叟已抵泰州眉生決不赴粵以何小宋馮展雲等急欲傾之恐反爲大賢之累耳岷堂經理西鹽長公頗信任之必可得力李戴二將承厚資遣回感謝之至此間於十五日派蕭信卿軍門率六營紮鍾山一帶新募各營則暫紮內濠以資訓練惟兵多餉絀殊深焦灼想公與寄帥必有以援我耳

復李季荃

接冬月二十一夜手畢具悉進兵蘭陵軍勢極順現已逼攻城根賊情渙散循覽之下額手欣慶平吳之功賢昆季實身任之此時定卜堅城已下捷書之至翹企而待金陵漸作合圍之勢而東北太平門尙無人扼紫城逆自忠酋至後死黨益多守志益切力攻之外無可希冀前日溧水城外爲賊鋒竄擾幸王峯臣在彼堅守仍使挫衄而返聞城內蓄力數日欲從七甕橋一帶截我長圍當必有一番惡戰但各軍食乏多以稀糜度日枵腹從事爲可慮耳來函以成功期之歲內用特覲縷及此恐饑疲之士不足圖功以副盼望耳

會忠襄公書札 卷八

三

復易紫橋

接初二日惠示知雄師分扼溪旌力防要隘老羆當道重鎮屹然甚慰甚慰軍行以糧道爲最要旌防轉運不易查梅溪河直達縣城想係隆冬水涸之故未審入春水漲能容數百石之舟否孝豐一帶賊踪不靖浙軍聚攻省會未必分力及此惟甯郡爲賊出入要地頃據李中丞來信探得賊於句容溧陽廣德三邑要隘處處設守爲他日南竄之計如是則甯郡各邑首當其衝惟望嚴密防範時常偵探是爲至要耳溧水前次賊擾幸峯臣陞字營力擊卻去現在句容之賊守城賊均無動靜風聞製造火龍攻具意圖不久想有一戰也

復毛制軍

差弁回營得奉惠函知秋末數函陸續均到並諗風聲所播寇盜全消民解倒懸舊從岡治復荷出其餘力留師以枚楚邊節麾甫莅新治蒙休羽檄一傳舊疆受福恢恢游認令人禱佩無已粵中民風勁悍習氣最深虛矯之情中空無實雄師掃蕩既休之以聲威而台端治尙樸誠針孔相投尤爲對症之藥指顧之間定見風移俗換耳空乏之故或者前人開源節流未盡精妙民悍則加料不易俗傷則經用必繁以情度之料不外此閣下與筠帥下車未久自不能驟求速效一俟審量既明隨時酌劑安見此邦瓊玉不可復收之天府耶釋氏之言有云貧子囊

會忠襄公書札 卷八

四

珠而忘其當蓋徐索之可矣前籌固本一疏實天地間有數文字至誠之言流自肺腑雖欲弗聽其能之乎弟前所陳言見理既不甚真修辭亦未盡善其不奉 俞固宜重見慰藉益用汗顏至勉之以人事君之義不可倦於求賢弟雖已無其事要之拳拳此心不敢或泯敬再拜稽首師公昌言南老下游一行殊爲興索昨過此小泊已復旋皖聞以祖墓卜遷之事尙當來此料理完竣後再返惟老懷經此波折未免略頽粵東之行未可決矣秣城軍務阻滯如故城逆深潛不出援賊亦遙遙作勢不來相逼觀此堅城猛攻無益惟有圖合圍以俟其糧絕之一計顧新軍雖集尙缺一隅收功之望尙不知在何日也礮位購齊

諸費鼎力叨在知愛不以虛辭相謝矣

復李季荃

展奉環章得悉常郡經督軍進逼已圍五門奔牛之捷斬獲無算並生擒洋人足令陸營水慄從此乘勝進取直下毘陵計上元張宴之時當是甘泉奏捷之日忭頌奚如兄軍次金陵久攻不下昨得謀報溧陽侍逆一股圖竄江西前隊係粵東人行至廣德有去逆效順反戈相攻之說果爾又翦去一羽翼矣此聞數十里外羣盜如毛與丹句之賊互爲犄角以援應老巢忠貞日伺我軍之懈以圖一逞幸各營防範甚嚴密也現擬調軍扼紮神策門杜其深宵偷越因連日雨雪礙難移動一俟晴霽卽會忠襄公書札

卷八

五

當親往相度布置惟合圍之後跋浪長鯨負嵎猛虎衝突在所不免二三月間必有幾番鏖戰當激勵將士以待之耳

致黃南坡

客臘肅佈一牋諒呈清睽金陵負嵎如故弟於燈節後陸續分佈各營扼紮神策門一路城逆見我軍圍逼漸緊二十一日忠逆指揮馬步賊數千人猛撲龍膊子營壘爲背城借一之計我軍出隊鏖戰斬首數百人賊尙奮力撐拒乃分兩路鈔襲之鎗礮齊施擊斃黃衣騎賊數十人步賊七八百人賊勢不支而進城之路已被我軍攔截羣向鍾山頂上石壘中狂奔此壘賊名爲天保城踞險憑高屢攻未破是日乘勝窮追直薄其壘環攻

一時之久軍士從礮子中攀崖附壁而登遂將石壘攻克賊無脫者當卽分兵守之昨日親往周覽形勢此壘屹立山嶺爲石城東北之屏蔽幸而克之俯瞰城內瞭如指掌虜在吾目中矣神策太平門布置將畢業經合圍賊勢愈蹙連日城中逃出難民已過萬餘均供稱逆糧漸罄斗米須五六千錢據目前光景度之春夏之交定有可望之機也尊意前擬克城後詎吉遷葬刻下各軍移營進紮直逼城圍寶塋已爲乾淨土城逆踪跡所不及大可趁此時駕臨料理或者福星所蒞親見虎穴之平弟亦得暢聆塵譚藉抒饑渴愉快如何

復趙玉班

會忠襄公書札

卷八

六

二十七日肅佈寸牋諒可郵呈記室頃奉正月二十二日環翰敬諭台旌蒞省後盡躬尙未大安靜攝旬餘始臻平復春風多厲王事賢勞尙祈勉愼起居是爲至祝沅華土匪一經嚴拿聞風駭散遏亂機於甫肇粉榆父老風鶴無驚皆當道暨閣下先事彈治之力也意翁偶患頭風不日定已霍然矣南翁大有歸山之意家兄留之主持離政刻下已由皖垣上駛手書已由驛遞皖轉寄矣霞仙中丞新正來函謂分三路進兵徑規褒河所募湘土業經整旅啟行兵力既增指揮得以如意且因餉糈支絀舉行屯田爲經久計西陲多事得此君慘淡經營當可化崎嶇爲康莊也浙西集蘇浙之兵會同進剿杭嘉屬邑次第納款

浙垣蘇郡亮可刻曰盪平宜與深陽已經蘇軍克復矣金陵自合圍太平神策門後賊吮已斷附城各營每夜聞城內譁擾聲達旦不休據逃出難民供稱城逆奪糧自相殘殺似此光景內訌之勢漸成初七初八激勵將士併力環攻初八夜已有用梯登陴者十數人奈礮火太多未能得手所幸傷亡亦不過數十人而已近日擬仍攻堅以驚擾之使之有向順之機不知能如願否也前月之初東路之賊竄往徽州經皖南諸軍擊退刻已繞浙境上竄玉山將繞信豐一帶若彼處之兵不能堵截深恐闌入江西腹地蔓延不能速了也聞之焦灼敝軍火藥蒙中丞公源源接濟感甚感甚米捐一節重費蓋籌既有黔滇之捷徑曾忠襄公書札

卷八

七

尤賴閣下鼓舞盡神尊見慮緩不濟急商請中丞墊銀買運而以捐數歸還全軍數萬竄得大君子一言而養命之原藉以不匱榮才之爲饑軍計者至矣比年東征一軍全仗中丞高誼諸君盛情隨所陳乞無不曲如其意非憐念大局而又愛弟之深者斷不能如是之維持挹注也銜戢如何可言黃游戎於敝處軍務卓著勤勞保晉一階分所應得俟克城後當遵指彙入也李泰山帶營尙能勝任惟祝其將利字看輕斯全才矣

復金眉生

頃專足遞到手函知旌從來往下河購辦米担月內卽至敝營良覲不遠甚慰甚慰皖中不偶曩固逆知其然人情之不同如

愈疾之藥寒熱溫涼緩急各異其能劑之得宜則相牽而得效合之太急則相戾而無功以閣下之明何獨不知第以關注殷拳急於改轍有不暇計耳而弟則年來閱歷差深知凡事自有水到渠成之理一切付之分定惟於摯愛之情則念念不去於懷初不以成敗利鈍爲之歧視也篋軒方伯聞曰內成行計到營之前可以一晤都帥先有調赴南岸之說而復奉命防守雲中想甘省逆猖復有猖獗之勢西北殷憂念之疾首金陵軍務自得僞天保城而合圍之師勢已聯絡初七夜督眾乘雨梯攻登陴已十餘人守賊大隊擁至抵死抗拒鎗礮如注後隊不得繼進所幸勇丁傷亡不過數十人差無大損現飭嚴圍以冀坐曾忠襄公書札

卷八

八

復程方忠

接讀來函知禾郡未能卽下轉損良將何安泰殊爲扼腕惟雄師甫進之時如疾雷破山已足以塞賊魄浮橋之不成雖由水師心力之不齊然亦遲速在天稔惡一日不盈逆穴一日不掃平心置之可矣承商示來此助剿一層極蒙關愛第少荃宮保以勦浙全軍屬之麾下軍情須臾不同賢友爲一方之統將擔當數百里之軍事安可舍之而西來乎彼此皆心心相印而事

與願違莫可遽然合併祇好徐徐待之且此間情勢以理度之似有非旦夕所能了者或須麾下底定嘉湖之後還軍來此以擒巨擘耳敵軍自得鍾山要隘之後南北圍師已成一氣月初連日冒雨督攻並有可乘之機而竟未就益知遲速天也故節愈短勢愈險而轉以鎮定處之以冀萬全之效至於淹遲之責所不暇計亦以城大兵單中外必有能諒之者耳輪船通賊被獲殊大快事未知作何發落便祈見告爲幸

致趙玉班

初九日肅佈寸牋計徹清曉連日晴朗春和景明金陵合圍後負固依然初七夜之役迄無成功可勝焦灼現仍每日派隊以

曾忠襄公書札

卷八

九

聲之轉瞬暮春不知卽有可乘之隙否餽羅掘俱窮值此米價翔貴士卒饑甚所幸軍餉兵米一節閣下竭力吹噓次山中丞慨許接濟恃此一綫生路尙可拊慰眾心忍饑以待耳上竄玉山之賊經韓席兩軍疊次擊賊餘孽尙徘徊鉛山金谿閒諒不至於滋蔓也漢中盜糧垂盡勢漸東趨霞仙中丞擬分路剿擊會師河南爲一鼓殲滅之計西北漸有轉機聞之愉快湘省仗諸君子幹濟桴鼓不驚而鄰境羣盜如毛黔中貽藉尤甚將來越境進攻必須精良之火器弟軍年來頗得洋鎗之力臨陣施放尙能遠及茲特奉上單響洋鎗一千桿大銅帽二百萬顆以備攻剿鄰匪之用公文係咨解交次山中丞轉發也乞照收

爲荷

復張紀堂

頃展手書藉聆種切衛肇文所解之款業經到泰蓋籌擬先買鹽四千引分爲兩批令衛倅鄭令陸續押運上駛雇配江船等事分歸各員料理甚善甚善水腳先付或五成或七成到漢應找之數亦請尊處酌定數目飭令押還委員帶往不必由督銷局劃撥以省軫軫此次兩批通計需銀三萬餘兩不敷之數於加成釐金內動撥已據萬方伯來牘允許矣弟處二批之二萬兩至今尙無款可湊殊爽前約愧甚愧甚然三月內必可湊來也總之均須揀買上色好鹽至湘乃可銷售衛肇文頗知湘岸

曾忠襄公書札

卷八

十

銷鹽情形祈面諭照式辦理庶免後來滯銷之患耳至要至懇伯堅大令得委署沅陽甚好局中添員襄理葉大令老成穩練熟諳鹺務札委隨辦甚好王子鑑願在襄下河採辦米担敵處因別無款項可以按時給價深恐失信於商人是以前不再以此事付之也敵軍昨於朝陽神策等門及龍膊子一帶增修二十餘壘爲開鑿地道計而距城七十餘丈弁勇受傷者極多養卹無貲深以爲苦能否速成尙難豫定也嘉興郡已於前月十八日克復程學啟受重傷不知可痊否鮑軍初七早克復句容如乘勝進取金壇則妙矣南翁尙住此閒順風乃可揚帆上皖閣下在局公務冗忙目下不必上來且待克城後面商一切最爲

相宜知念奉聞

復趙玉班

前月杪裁答寸牋諒可郵達籤閣頃奉十九日環章沅龍各屬
匪徒續經飭弁捕獲要犯如雍毒草淨拔根株從茲永絕萌芽
矣黔中麋沸已甚湘省會剿李七一股軍抵黎平粵東亦率師
來會而李逆竄過黎境之北密邇靖邊幸令弟已統軍往堵珞
戈所指游氛立消掃蕩之勳可爲預券也鄂中裁撤勇丁譁聚
索餉幸已解散不至釀成釁端甚慰甚慰上竄江右之賊擾及
鉛山金溪此處直通閩省若閩軍能攔頭迎擊而豫章之師躡
勦於後可以聚而殲旃次山中丞檄募新軍預杜獯貍之窺伺
會忠襄公書札卷八

十一

自是至計而徵發之勞轉饋之繁壁畫已不遺餘力矣廣德踞
逆棄城退竄句容亦有乞降之說鮑軍門已抵句境或撫或剿
卽日可期得手金陵負固依然日前派隊剗挖城根奈周垣疊
石堅牢輦如鐵甕無從著手現堅持圍局以待其糧罄但城中
偏地種麥一至成熟之期又延時日是以昨派各營增修二十
餘壘於神策門朝陽門龍膊子一帶爲開挖地道之計距城各
七八十丈受傷者多難奏旦夕之效令人悶甚然無可如何也
米捐賴蓋畫主持卽日舉辦藉造饑軍之命感激笑如南叟改
墳事已就緒近日卽可挂帆上駛知念並聞

致左制軍

日昨肅答寸牋諒可郵呈行幄頃接安慶來函欣諭雄師攻克
杭餘露布星馳朝野莫不額手稱慶回憶兩年前浙東西羣盜
如毛幾無一片乾淨土經我公慘淡經營節節掃蕩掣長鯨於
浙水除毒螫於武林省會旣平便如高屋建瓴從此移得勝之
師直下湖郡全越千餘里指擣大定正不獨彼都人士頌東南
之再造已也敬佩敬賀第一隅株守無術攻堅地道雖經開挖
而距城尙有六七丈能否鑿穿竟難預定對此堅城徒深愧憤
而已

致惲中丞

初八日肅佈一函諒可郵呈籤閣鮑軍於二十一日攻克金壇
會忠襄公書札卷八

十二

杭州克復後連城悍賊皆由浙竄皖大股已至徽甯屬境毛唐
二軍迎戰不利皖南駐防之師一挫休祁諸邑在在可虞若羣
賊全趨江西則完善之區又將蔓延無已餘骸復張聞之焦灼
殊甚東壩一路有鮑部譚鎮八營駐守諒可扼此要衝敝軍開
挖地道頗有爲水石所阻者一時難以告成過此以往恐城中
麥熟又可久延矣如何如何程學啟攻拔禾郡先登被創卒以
三月初十日起蘇軍失此良將可勝惋惜多禮堂將軍力攻
盤屋受傷甚重已將欽篆交穆都護此君乃西北長城惟祝調
治速痊勉支秦事則大局之幸耳

復鮑春霆

頃奉惠函悉旌麾已率精騎抵金壇城下該逆鼠伏不出而離句容百餘里糧路甚遠丹陽援賊又屢撲官軍營盤尊意擬率雄師助之安慶以東壩守兵單薄爲慮麾下已遣譚鎮及洪將所部連前春宇三營合共八營往東壩調度駐守具紉布置周詳佩慰曷極頃接吳竹莊觀察來函云湖州大股已竄至甯境之胡樂司侍逆亦在其內勢頗猖獗東壩係上下游衝要之地當此援賊麇至必須扼守萬全方不掣動大局云所見與麾下安慶兩意相同安慶函牘均以句容東壩爲重是進取金壇與助攻丹陽皆是題外之文矣馮軍門萃亭既有函求分兵助勦丹陽或發兵去否仍求大才酌安行之至於進取金壇之說似曾忠襄公書札

卷八

三

復鮑春霆

宣緩辦蓋麾下所部已分布數百里不可又分一枝勦辦金壇也弟軍圍局依然現仍開挖地道不知將來有一成者否耳
頃奉捷書欣諭雄師擊敗金壇巨匪並常州退竄之賊擒斬甚多旌纛現駐金壇城外之西洋以勦截過境之逆賊威稜所震足摧霹靂金丹羣盜莫不望而膽落矣欽頌奚如似此情形常郡必已收復卽金壇丹陽亦不日可望得手無疑矣東壩業經麾下派八營令譚鎮調度駐守必大可放心矣惟浙境竄出之十四僞王分股竄至甯國屬境勢必悉竄江右家兄日來非常焦灼蓋徽軍不能攔截痛剿深恐江右重受蹂躪而目下不能

撥兵援江所以大可憂也麾下已飭東壩溧水建平嚴加防範定可穩守無虞第恐常郡竄出之賊亦係飛走局面仍是會合上游大股入江亦未可知不知東建各營其力量能攔頭截擊否麾下計慮審慎最善相機望常以上游之東壩建平在念苟有可以痛加勦洗之處則乘機勦辦上游少去一股賊則江皖多受一分之福家兄少一日之憂慮請勿以敝處單薄爲念弟自度儘可支持也

復鮑春霆

日昨肅賡馳賀計達英盼頃奉捷書欣諭出奇制勝大敗賊於茅山復擊敗丹陽竄逆斬獲以萬計遂於二十一日克復金壇曾忠襄公書札

卷八

四

勝算奇勦令弟欽佩無已刻下餘孽由定埠往建平界竄去大勢皆趨重皖南甯境竄匪連日不至披猖否麾下以金壇地險易守擬照家兄前議交富將軍撥兵駐防已遵指函致安慶矣王峯臣來信謂丹陽業已攻克而昨晚接馮軍門函尙望雄師助剿似丹陽未經克復旌麾恢城愈多分兵愈遠又值蟻賊羣趨上游之時麾下用兵如神最能相度機宜酌量緩急或助丹陽或專顧上游爲家兄分憂諒麾下必有至當之法也

復富將軍

頃奉惠書欣諭兵甲胸羅機宜指授雄師南渡後埽蕩丹陽城外逆壘外援既絕螳臂自難久撐捷書露布翹足俟之敝軍二

十五六日撲破朝陽門外兩月圍殪悍賊四百餘名鎗斃之賊尤多差強人意我軍勇丁傷亡亦百餘名所鑿地道十數處不知四月杪五月初能抵城根否比浙中潰賊悉竄皖南防師挫衄婺源不守賊勢悉流江西老巢未拔餘燄復張可勝焦灼弟惟日夜督率將弁勇丁竭力圖之盡吾力之能到以報 聖朝高厚之恩耳承示八卦洲地方係旗營官洲散軍南字等營柴夫將已砍之柴硬行挑取用兵之地勇夫就近取柴不問業主似此陋習由來已久緣楚軍征勦以來除口分外別無米薪津貼之例取柴亦勢所難禁誠有如尊諭所云也茲准來囑八卦洲旗營兵丁如此之苦弟自應仰承德意同深體恤頃已通飭曾忠襄公書札

卷八

五

致駱制軍

二月中肅肅答一函計已早登籤閣陝中漢南已平霞仙中丞擬先定秦境與雨蒼京堂會師河南爲一鼓聚殲之計刻下中旂一股及西鄉餘孽已否肅清時以爲念多禮堂將軍攻克盤屋受創甚劇已將欽篆交穆都護此公威望卓著西陲惟願調

治速痊共肩時局爲幸耳浙之杭州嘉興均已克復連誅悍賊悉竄皖南徽甯防師迎戰不利婺源被陷頃已流入江西死灰復燃可勝焦慮鮑軍攻拔句容金壇家兄咨調蘇軍接守東壩而騰出鮑軍上援江右冀可靖此狂氛但不知江蘇卽能撥軍瓜代否也敝軍三月初薄城築壘開掘地道十餘處頗有爲水石所阻者現仍朝夕趣工計四月杪五月初可抵城根二十五六等日撥隊撲破朝陽門外兩月之圍軍士傷亡百餘人殪悍賊四百餘名鎗斃之賊尤多差強人意惟久頓堅城餉源漸竭精臺所入每月不敷六七日之餉各營紛紛環索國荃雖勉爲拊慰而寸心惴惴無時不以饑潰爲虞前荷師門逾格垂憐勸曾忠襄公書札

卷八

六

復官中堂

十六日肅佈寸牋諒可郵呈籤閣頃奉十三日環諭捻逆豕突隨境經大軍斬獲無算躡擊棗陽一鼓殲滅可爲豫秀又以漢中羣逆下竄策遣各部星馳勒截威弧所指貪狼銷芒正不第耶防鞏固已也金陵合圍後負隅依然初七日之役迄無成功現仍日夜派隊以驚擾之而一時尙難拔此堅城惶愧曷已蘇軍攻克宜溧家兄調鮑軍門所部進取丹句諒可乘機掃蕩上

竄玉山之賊經韓席兩軍擊敗旋繞竄金溪一帶敗殘餘孽惟祝迅就撲滅不至闖入腹地爲幸耳湘恒營新正月餉蒙飭精臺惠給饑軍同深頂祝前復以蕭軍門慶衍及梁美材部下餉精爲請實因饑潰堪虞不得不代爲陳乞諒蒙曲鑒也

致李中丞

十一日肅復寸牋諒可郵呈籤閱毘陵經大軍四面合圍攻拔諒在指顧宜深克復後計已鎮撫大定家兄檄調鮑軍門所部進規丹句與雄師聯絡一氣程方中轟攻禾城已破其郭而以城河太寬猝難鳬渡羣逆得負隅死拒偷息孤城然亦不過巨暮之蜉蝣耳江西扼防之軍屢戰皆捷敗殘餘孽尙徘徊鉛山曾忠襄公書札卷八

卷八

七

金溪間惟祝迅就撲滅不至蔓延完善地方爲幸耳敝軍初七夜之役迄無成功現仍日夜派隊以驚擾之並調金柱關兩營添紮太平神策兩門扼要處圍局已周匪穩固惟新正迄今尙未給餉尊處協濟一款前奉大咨緩至二月刻值米價騰漲各軍半以糜粥療饑呼籲之聲相環弟苦無以拊慰之惟有函懇我公飭精臺早賜惠解俾久饑之士得以粗給口糧至感至叩

致劉中丞

二月中泮肅佈寸牋諒已郵呈行幄嗣奉簫門夫子來書悉漢中經雄師克復羣逆分股東竄勝籌擬先除中旂餘孽而以兩蒼京堂所部進剿西鄉會師河南爲一鼓殲滅之計指擣所及

刻日掃蕩開隴澄清中原引企捷音無時不盼露布之飛示也抃祝曷極東南軍事蘇師於二月十八日攻克嘉郡浙師於二十四日疊克杭州餘杭鮑軍於月之七日攻拔句容現已移師進規金壇弟處迭次還攻而雉堞高堅羣酋據陣死拒梯衝苦無可施展若竟堅持圍局以待其糧罄深慮城中麥熟又可久延因於朝陽神策等門及龍膊子一帶增築二十餘壘開鑿地道十餘處距城五六七十丈不等幸而有成數道並發固妙卽有一二處鑿成者亦可竭力一轟但不知能如區區之願否也上竄江右之賊聞已竄至閩界撫建屬境業經肅清江省現遣軍躡剿若閩中更以重兵攔擊不難殄此游氛也尊處近日攻曾忠襄公書札卷八

卷八

六

取機宜若何祈示知一二幸

致官中堂

疊觀軍報知卽襄頗有游氛窺伺經我中堂發踪堵剿各軍捷書絡繹想逆烽遠遁無煩西顧矣忻頌忻頌鮑軍克句容後二十一日克復金壇殺賊甚多吳越軍情前極得手近日浙境竄入皖南之賊爲數甚多微防唐毛各軍出擊寡不敵眾竟爲賊所乘而浙江杭州之賊續竄入皖者不少皖南固日形喫緊卽江右亦大慮其蹂躪死灰復燃爲禍不小實出意料之外也金陵所挖地道十餘處頗有爲水石所阻者尙未卜四月有一二處可以挖成否如天之福倘有好音卽飛咨冰案請中堂與家

兄奏捷也此閒軍心尙稱固結惟餉項奇窮爲入營來所僅見湘恒兩營及蕭慶衍梁美材十一營亦盼餉甚殷國荃點金乏術惟有求中堂俯賜垂憐而已又今年城中逃出難民婦女不下五六萬人除有家可歸者資遣回藉外其無可依歸者尙有六七千人不得不悉爲安置撫卹局內概歸劉守曾撰賑米以活之兩年以來國荃用費已窮別無生財之法而撫卹一項經費又刻不可少之費睹茲災黎垂斃之命彌深惻惻側聞中堂在鄂垣諭捐撫卹難民之費月有常入之款局中收養婦嬰人數尙不甚多計每月必多餘項夙仰中堂博施濟眾視四海如一家伏乞俯念金陵城內逃出難民婦嬰之苦在於所捐吳中

曾忠襄公書札

卷八

九

爲官爲幕於鄂省者集捐撫卹項下酌量分撥二三成計每月可得數百串以濟此閒撫卹之窮大雲普潤萬物皆春挹彼注茲惠而不費幸蒙允許求諭知盛旭人廉訪留意按月搭解俾蘇省喘息僅延之婦嬰多活旦夕之命功德無量專此瀆懇毋任翹企

復郭中丞

久不奉賜書正擬肅候起居適接月朔一函欣悉整飭捕務巨猾授首任勞任怨至於日晷不遑自古賢君慈父病癯乃心何莫非此拳拳至誠以將其志氣而用吾胞與由此行之何事不修何政不肅公自言愚抑知聖人所謂不可及者正此而已寧

之難治本所稔聞不圖空乏亦與他處一轍以臆論之大抵他處籌餉重在開源粵省籌餉重在節流如所云方耀一軍者概可想見得一二年明察在上綜覈名實自必風移俗改矣承勛持靜守固無覩旦夕之功紉佩至言永以爲寶蘇杭先後奏績復以難易異形相慰厚意尤深弟頓兵堅城本欲獨當其難以牽賊之勢今願遂矣成敗天也遲速命也爲其所能不爲其所不能斷不敢以掘苗助長貽賢者之慮惟餉入過艱呼籲莫應兵士枵腹以得處彈丸如雨之地此則智者不能爲謀任之自然無可如何耳

復楊厚庵

曾忠襄公書札

卷八

十

頃奉來函惟金陵地勢瀕江一葦可杭四通八達現在得以合圍嚴剿水師之力十居八九卽往歲敵軍乘勝深入亦莫非恃水師爲後路故兩次援賊腐至敵軍與之鏖戰士卒晏然無恐是金陵之有今日局面繫麾下是賴況雪帥新去陝賊有東下之信一簣未成軍情萬緊尤藉威望爲之鎮扼在麾下智勇著聞自宜獨當一面若謂江右走死之游氛轉重於金陵久踞之魁逆而爲移緩就急之計竊爲蒙所不解麾下卽無賜函諄切辭免弟亦必仰體公盡之懷不忍棄垂成之局力爲畱挽況來書拳拳見囑敢不代達雅意以顧全局除將此地用兵必藉水師而水師得力悉由統將利害情形函咨安慶請奏外先此肅